

**Talamdan
sa Mga Mensahe alang sa Full-time Training
sa Fall Term sa 2024**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
GALACIA**

Mensahe 2

Gipadayag ang Anak sa Dios Kanato

Basahong Kasulatan: Gal. 1:15-16;
Efe. 1:5, 9; Fil. 2:13; 1 Ped. 1:5; 5:1; Rom. 14:18; 2 Cor. 13:14

I. “Nahimut-an sa Dios”—Gal. 1:15a:

- A. Dunay kabubut-on ang Dios nga mao ang gikahimut-an Niya—Efe. 1:9.
- B. Gitudlo na tang daan sa Dios nga mahimong mga anak Niya, sumala sa gikahimut-an Niya, sumala sa gikalipayan sa Iyang kasingkasing—v. 5.
- C. Gipahibalo sa Dios kanato “ang misteryo sa Iyang kabubut-on sumala sa Iyang gikahimut-an, nga gimbut-an Niya diha sa Iyang Kaugalingon”; gikahimuot sa kasingkasing sa Dios nga ipahibalo kanato ang misteryo sa Iyang kabubut-on—v. 9.
- D. Pinaagi sa mga puangod sa Dios, ihalad nato ang atong mga lawas ingon nga halad-inihaw nga buhi, balaan, nahimut-an sa Dios—Rom. 12:1.
- E. Siya nga nag-alagad ni Cristo makapahimuot sa Dios—14:18.
- F. Kat-onan ug sination gyod nato nga makapahimuot sa Ginoo—Efe. 5:10.
- G. Kon walay pagtuo imposible gyong makapahimuot ta sa Dios—Heb. 11:6.
- H. Magbaton tag grasya, nga pinaagi niini makaalagad ta sa Dios sa inalagarang makapahimuot Niya—12:28.
- I. Ang Dios maoy nagbuhat sa sulod nato sa pagbuot ug sa pagbuhat alang sa Iyang gikahimut-an—Fil. 2:13.
- J. Ang walay kataposang tuyo sa Dios iya sa kabubut-on sa Dios sumala sa gikahimut-an Niya, nga giplano na Niyang daan sa Iyang Kaugalingon; may kalabotan sa usag usa ang kabubut-on sa Dios ug ang gikahimut-an Niya—Efe. 1:5, 9.

II. Gipadayag sa Dios ang Iyang Anak ni Pablo ug kanato—Gal. 1:15-16:

- A. Ang pulong *ipadayag* sa Galacia 1:16 mahinungdanon ug hilabihan kaimportante:
 - 1. Ang ipadayag ipahibalo (itug-an) o dayag nga ipakita (ipasundayag) ang butang nga kanhi gitago.
 - 2. Sa Bag-ong Tugon lalom nga gigamit kalabot sa atong espiritu ang *ipadayag*—Rom. 1:17; 8:18; 1 Cor. 2:10; 1 Ped. 1:5; 5:1.
 - 3. “Gibantayan sa gahom sa Dios pinaagi sa pagtuo ngadto sa kaluwasan nga andam nang ipadayag sa kataposang panahon”—1:5.
- B. Samtang nagpaingon sa Damasco si Saulo nga taga-Tarso, dunay langitong panan-awon nga niabot niya, ug nakapausab pag-ayo niya kining panan-awona—Buh. 9:1-19; 22:6-16; 26:13-19:
 - 1. “Saulo, Saulo, nganong gilutos mo Ako?” (9:4); hiniusang “Ako” kini, nga naglangkob ni Jesus nga Ginoo ug sa tanang magtutuo Niya.
 - 2. “Kinsa Ka, Ginoo? Ug niingon Siya, Ako si Jesus, nga imong gilutos”—v. 5.
 - a. Ang *Ginoo* ning versiculoha sama ra sa pulong *Jehova* sa Hebreohanon—Exo. 3:13-15; Juan 8:58.
 - b. Nakita ni Pablo nga si Jesus mao si Jehova nga Manluluwas ug kay naa na man Siya karon sa mga langit, niagi na Siya sa kahikayan sa pagpakatawo, pagkinabuhi ingog tawo, kamatayon,

pagkabanhaw, ug pagkayab aron mapahimugso ug matukod ang Lawas ni Cristo—Rom. 9:5; Efe. 1:19-23.

- c. Nakita ni Pablo nga si Jesus mao ang Dios, si Jehova, nga nahikay ug nahingpit nga dunay diosnon ug tawhanong mga elemento aron mahimong nikayab nga Ginoo, nga Ulo sa Lawas, ug ang Espiritung taghatag-og-kinabuhi, ang Espiritu ni Jesus, aron ipaambit sa tanan Niyang bahin—Rom. 10:12-13; Col. 1:18a; 1 Cor. 15:45b; Buh. 16:7; Fil. 1:19.
 - d. Nakita ni Pablo nga ang sentro sa uniberso mao nga naa nato si Cristo ug naa ta ni Cristo; nakita niya nga ang plano sa Dios pagpadayag man ni Cristo kanato isip kinabuhi aron ikinabuhi nato si Cristo ug pagbutang kanato nganha ni Cristo aron masama ta sa Iyang dagway ug matukod uban sa ubang [balaan] aron mahimong buhing Lawas nga hiniusang magpadayag Niya—Gal. 1:15-16; 2:20; 4:19; Rom. 8:28-29; 12:1-5; Efe. 1:22-23; 3:16-19.
- C. Pila ka tuig human makabig si Pablo, nipahayag siya sa Galacia 1:15-16 nga nahimut-an sa Dios nga ipadayag ang Iyang Anak kaniya:
1. Dili panan-awon ra sa gawas kining pinadayaga kondili pagkakita sa sulod:
 - a. Dunay panan-awon sa sulod si Pablo; nakita niya si Cristo sa sulod.
 - b. Naghimo niyang apostol ug naghimo niyang angayan nga maapostol kining panan-awon sa sulod aron ipakita niya si Cristo mismo nga gipadayag diha niya, imbis manudlo lag mga doktrina ug teyolohiya sumala sa usa ka relihiyon.
 2. Kinabuhi nato ang Anak sa Dios (Juan 10:10; 1 Juan 5:12; Col. 3:4), nga pagkalawas ug pagpadayag sa Dios Amahan (Juan 1:18; 14:9-11; Heb. 1:3).
 3. Tinguha sa kasingkasing sa Dios nga ipadayag ang Iyang Anak kanato aron makaila ta Niya, modawat Niya nga atong kinabuhi (Juan 17:3; 3:16), ug mahimo tang mga anak sa Dios (1:12; Gal. 4:5-6).
 4. Sa Galacia 1:16 gihatagag gibug-aton ni Pablo ang kamatuoran nga gipadayag ang Anak sa Dios kaniya:
 - a. Nagpakita kini nga ang pagpadayag sa Dios sa Iyang Anak kanato naa sa sulod nato; dili dayag kondili sa sulod, dili sa dayag nga panan-awon kondili sa pagkakita sa sulod.
 - b. Dili kini objectibong pagpadayag kondili subjectibo.
 5. Labot pa, niingon si Pablo nga *nahimut-an* sa Dios nga ipadayag ang Iyang Anak kaniya:
 - a. Makapahimuot sa Dios nga ipadayag ang Iyang Anak kanato; si Cristo kini, ang Anak sa Dios, nga kanunayng gikahimut-an sa Dios Amahan—Mat. 3:17; 12:18; 17:5.
 - b. Walay labaw nga makapahimuot sa Dios kaysa pagpadayag sa buhing persona sa Anak sa Dios.
 6. Makita nato sa Mga Sulat ni Pablo nga ang Anak mao ang misteryo sa Dios, ang pagkalawas sa Dios, ug Siya ang gipuy-an sa kahupnganan sa Dios sa lawas gyod—Col. 2:2, 9.
 7. Sulodnong pinadayag diha sa atong espiritu ang pagpadayag sa Anak sa Dios—2 Tim. 4:22a.
- D. Si Cristo, nga Anak sa Dios, mao ang pagkalawas sa Tulo-usang Dios nga naamgohan isip Espiritung taghatag-og-kinabuhi—1 Cor. 1:3-4, 7-9; 2:13, 16; 8:6; 11:3; 12:4-6; 15:45b:
1. Maghisgot ngani ta sa Anak sa Dios, malambigit dayon ta sa Amahan ug sa Espiritu—v. 45b.
 2. Matod pa sa mga sinulat ni Pablo, ang makabaton sa Anak makabaton sa Amahan ug sa Espiritu—Gal. 1:1, 3, 15-16; 3:1-2; 4:6; 5:5-6, 22, 25.
 3. Ang Anak mao ang pagkalawas sa Tulo-usang Dios nga naamgohan nga Espiritu aron mapahimuslan nato—2 Cor. 13:14.
- E. Aron makadawat og sulodnon, subjectibo, ug espirituhanong pagpadayag sa Anak sa Dios, biyaan gyod nato ang atong mga hunahuna, pabalikon ang atong kasingkasing sa Ginoo, magtagad sa atong espiritu, ug iampo ang mga versiculo sa mga sinulat ni Pablo:
1. Kon buhaton nato kini, hayagan ta sa Espiritu ug mamulong Siya kanato kalabot ni Cristo.
 2. Tungod niana, makadawat tag subjectibong pinadayag sa Anak sa Dios—Gal. 1:16.